

Broj: 01-11-241-2-JN/23
Mostar, 06.04.2023. godine

Na osnovu člana 56. i 114. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 64. stav (1) tačka b) i člana 90. Zakona o javnim nabavkama («Službeni glasnik BiH» br. 39/14 i 59/22), a u vezi sa članom 4. do 9. Pravilnika o postupku direktnog sporazuma za nabavku roba, usluga i radova u Federalnom ministarstvu trgovine broj: 01-02-557/15 od 27.03.2015. godine, Federalni ministar trgovine **d o n o s i**

O D L U K U **o prihvatanju ponude**

Član 1.

Prihvata se ponuda ponuđača „A.O. LEKO“ d.o.o. Mostar, broj: 200-2 podnesena po pozivu za javnu nabavu roba - auto gume za službena vozila putem direktnog sporazuma za potrebe Federalnog ministarstva trgovine, kao dovoljno kvalifikovana za uredno izvršenje ugovora o nabavci, po ukupnoj cijeni ponude u iznosu od 3.552,00 KM bez PDV-a.

Član 2.

Za provođenje ove Odluke zadužuje se Služba za finansijske poslove.

Član 3.

Ova Odluka objavit će se na web stranici Federalnog ministarstva trgovine www.fmt.gov.ba, a istovremeno će biti upućena ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova Odluka stupa na snagu danom donošenja.

O b r a z l o ž e n j e

Federalni ministar trgovine je u skladu sa Planom nabavke za 2023. godinu i Odlukom o utvrđivanju Plana nabavki Federalnog ministarstva trgovine, broj: 01-11-235/23 od 24.03.2023. godine uputio poziv za dostavu ponuda za nabavku roba - auto gume za službena vozila, broj: 01-11-241-JN/23 od 29.03.2023. godine.

Komisija imenovana Rješenjem ministra broj: 01-30-7/23 od 05.01.2023. godine pristupila je provedbi postupka javne nabavke metodom direktnog sporazuma u skladu sa Odlukom i zakonskim i podzakonskim propisima o javnim nabavkama u Bosni i Hercegovini.

Na poziv za dostavu ponude koji je poslan na tri (3) adrese, u ostavljenom roku, pristigle su dvije (2) ponude.

U skladu sa odredbama Zakona o javnim nabavkama dana 04.04.2023. godine Komisija za javne nabavke izvršila je pregled dostavljenih ponuda, o čemu je sačinjen Zapisnik o radu Komisije za provođenje postupka javne nabavke roba-auto guma za službena vozila.

Po provedenom postupku Komisija je predložila Ugovornom organu da u skladu sa članom 90. Zakona o javnim nabavkama izvrši nabavku roba - auto guma za službena vozila od ponuđača „A.O. LEKO“ d.o.o. Mostar.

Cijena navedene ponude za nabavku auto guma iznosi 3.552,00 KM bez PDV-a, odnosno 4.155,84 KM sa PDV-om i ista je dovoljno kvalifikovana za uredno izvršenje ugovora o nabavci.

Slijedom navedenog, odlučeno je kao u dispozitivu odluke.

Pouka o pravnom lijeku:

U postupku direktnog sporazuma, žalba nije dopuštena.

Dostaviti:

1. Ponuda „A.O. LEKO“ d.o.o. Mostar
Dubrovačka bb, Mostar
2. Službi za finansijske poslove
3. Službi za pravne i opće poslove
4. Komisiji za javne nabave
5. a/a

MINISTAR

Zlatan Vujanović

